

HISTORIÆ GERMANICÆ. 169
em, anno MCCCCLIX. XXII. Martii na-
tum. Hic patre superstite, anno æ-
tatis XIX. Mariam, unicam Caroli
Audacis, potentissimi Burgundiæ
Ducis ad Nancejum ab Helvetiis cæ-
si filiam, provinciis Burgundicis,
quibus totum Belgium accesserat,
locupletissime dotatam, uxorem du-
xit. Ludovicum XI. Galliarum Re-
gem Artesiæ & multarum aliarum
ditionum dotalium violentum oc-
cupatorem bello aggressus, magnam
ablatorum partem recuperavit. Et
vero si in omnibus faventes habu-
isset Imperii Germanici ordines, et-
iam quæ ab antiquo Arlatensi ac
Lotharingico regnis, Imperio Ger-
manico junctis decerpissent Galliæ
Reges, virtute bellica, qua toties in
Vngaria, Belgio, Austria, Italia, Hel-
vetia excelluit, Francis extorsisset.
Nam ægre tulisse Maximilianum Im-
perii Germanici diminutionem, va-
riæ illius querelæ publice privatim-
que fusæ declarant.

H

§ CCXXXVII